


番外書冊

二	和
五	書
〇	門
一	
六	類
三	號
六	函
四	架
冊	冊

庫	文	閣	內
五	三	和	
函	五	書	
一	〇		
九	四	類	
架	冊	號	

內閣文庫	
番號	和 23501
冊數	4 ( 3 )
函號	157 360

史傳載記





皇朝儒臣傳卷三

目錄

淺草文庫

中納言正三位多治比縣守傳第二十九

正一位左大臣藤原武智麻呂傳第三十

參議民部卿正三位藤原房前傳第三十一

參議式部卿正三位藤原宇合傳第三十二

參議兵部卿從三位藤原萬里傳第三十三

中納言從三位多治比真人廣成傳第三十

四 四 廿五



從四位上平郡朝臣廣成傳第三十五

大學頭從五位下山田史三方傳第三十六

正七位上伊豫掾刀利宣令傳第三十七

御史大夫正三位石川朝臣年足傳第三十八

八付名

右大臣正二位大中臣朝臣清麻呂傳第三十九

十九

從三位大和守大伴宿禰古慈斐傳第四十

正四位下左大辨鎮守將軍大伴古麻呂傳

第四十一

右大臣正二位吉備朝臣真備傳第四十二

中納言從三位大伴宿禰家持傳第四十三

大納言正三位石上朝臣宅嗣傳第四十四

刑部卿從四位下淡海真人三船傳第四十五

五



中納言正三位多治比縣守傳第二十九  
多治比縣守者宣和帝皇子上植葉後胤也上  
植葉生十市王十市王生多治比古王古王初  
生將浴多治比花忽浮於湯釜中因稱多治比  
古王子孫遂氏焉父島左大臣祖即古王也縣  
守好學涉經史尤有經畧文武慶雲初叙從五  
位下和銅中拜宮内卿尋至從四位下靈龜初

皇朝儒臣傳卷三

岡白駒撰

中納言正三位多治比縣守傳第二十九

多治比縣守者宣和帝皇子上植葉後胤也上  
植葉生十市王十市王生多治比古王古王初  
生將浴多治比花忽浮於湯釜中因稱多治比  
古王子孫遂氏焉父島左大臣祖即古王也縣  
守好學涉經史尤有經畧文武慶雲初叙從五  
位下和銅中拜宮内卿尋至從四位下靈龜初



皇朝備臣傳 卷三  
賜節刀、爲遣唐押使、與大伴山守、藤原宇合等  
如唐、吉備真備、阿倍仲麻呂從焉、其在唐稱姓  
丹墀、蓋用方訓、改其文耳、朝聘禮畢、縣守請從  
諸儒授經、玄宗詔四門助教趙玄默、即鴻臚寺  
教之、乃遺玄默闊幅布、以爲束修之禮、將歸、所  
得錫賚、盡買文籍、養老二年、竣事而歸、明年進  
正四位下、是年始置諸國按察使、乃縣守爲武  
藏守、管相模上野下野三國、時陸奧國奏蝦夷  
寇亂、殺按察使下毛廣人、拜縣守、征夷將軍征

之、明年平賊而歸、乃除中務卿、天平初、陞從三  
位、亡何轉民部卿、爲參議、是年又置畿內總管、  
諸道鎮撫使、縣守爲山陽道鎮撫使、明年拜中  
納言、復爲山陰道鎮撫使、尋至正三位、九年卒、  
贊曰、上世我邦受業中華、其文學可想焉、或  
以受業趙玄默者爲吉備真備、唐書云、開元初、  
粟田復朝、請從諸儒授經、按我國史、粟田不再、  
其非粟田固也、我靈龜二年、縣守爲遣唐使、值



彼開元四年、是為縣守審矣、真備非使之任、

正一位左大臣藤原武智麻呂傳第三十

藤原武智麻呂者、淡海公不比等長子也、慶雲  
初叙朝散大夫、養老中、累遷至通議大夫、尋進  
銀青光祿大夫、拜中納言、給帶刀資人四名、神  
龜初加一級益封、天平初轉大納言兼太宰帥、  
居亡何、陞光祿大夫、拜右大臣、九年有疾、天子  
為大赦天下、以禱其病、乃使使就其家授正一

位、拜左大臣、是日卒、藤氏第宅相連、以其第在

南世稱南家、

贊曰、藤氏四祖稱儒宗、大傅位極人臣、職在三

公、可謂不墜家聲矣、然獨文辭不傳、蓋三家英

豪、連珠相映、豈為之掩與、不則紀傳稱南家、詎

茂有焉、

參議民部卿正三位藤原房前傳第三十



藤原房前者、不比等次子也。性寬優、謙恭、好學、通經史、有文才、善詩、頗聞於經濟、文武大寶初、奉詔巡察東海道政績、申理冤枉、慶雲初、自正六位進、從五位下、和銅二年、新羅使金信福來獻貢、陪長屋王餞、新羅客席上、分韻送行、其詩曰、職貢梯航使、從此及三韓、岐路分衿易、琴樽促膝難、山中猿嘯斷、葉裡蟬聲寒、贈別無言語、愁情幾萬端、客大嘆賞、是年復巡省東海山二道風俗、靈龜初、叙中大夫、元正欲爲內臣、詔曰

藤氏世爲國家元舅、卿房前宜爲內臣、體朕施行、輔翼帝業、永寧國家、房前辭不奉云、養老初、參議朝政、加一級、尋至從三位、聖武即位、益封進金紫光祿大夫、天平初、拜民部卿、爲東海山二道節度使、九年卒、特賜大臣葬儀、其家固辭、乃贈正一位左大臣、賜食邑二千戶於其家、其第在北、故稱之曰北家、贊曰、戶部內參朝政、外任風憲、死欲葬以大傅之禮、厥功可知矣、辭內臣、詔不見其迹、豈不寬




優謙恭乎、避嫌宸極、可謂深於禮矣、立門明經、誠宜哉、

參議式部卿正三位藤原宇合傳第三十

藤原宇合者、不比等仲子也、始名馬養、靈龜初、自正六位進朝散大夫、為遣唐副使、乃更名宇合、從太使大伴山守等如唐、養老二年竣事而歸、明年進中散大夫、除式部卿、世因此稱式家、

是年始置安察使、以宇合任常陸守、巡省安房、上總下總、亡幾何、至正議大夫、神龜初、拜持節大將軍、征海道蝦夷、明年奏捷、授銀青光祿大夫、賜勳二等、天平中擢參議、尋為西海道節度使、九年卒、宇合器宇弘雅、風範凝深、博覽墳典、才兼文武、然而軍國經營、非其好也、為西海道節度使也、乃述其懷曰、往歲東山役、今年西海行、行人一世裡、幾度倦邊兵、唯留心文藻、一時推為翰墨之宗、嘗在常陸、贈其所善倭判官書





曰、僕與明公、忘言歲久、義存伐木、道叶採葵、待君千里之駕、于今三年、縣我一箇榻、於是九秋矣、如何授官同日、乍各殊鄉、聞天子下詔舉賢、明公獨遺、吳馬瘦、鹽人無識、楚臣泣、玉世不悟、知人之難、非啻今日、遇時之罕、自昔然矣、大器之晚、終作寶質、如有我一得之言、慰君三思之意、乃裁一篇、以示寸心、其詞曰、自我弱冠、從王事、風塵歲月、不曾休、寒帷獨坐、邊亭夕、縣榻長悲、搖落秋琴、瑟之交、遠相阻、芝蘭之契、接無由、

無由安見李時、鄭有別何逢、道與猷馳、心悵望白雲天、寄語徘徊、明月前、日下皇都、君抱玉、雲端邊國、我調絃、清絃入化、經三歲、美玉韜光、又幾年、知己難逢、匪今日、忘言罕遇、從來然、爲期不怕風霜觸、猶似巖心、松柏堅、又作棗賦、其辭曰、一天之下、八極之中、園池綿邈、林麓丰茸、奇木殊名、而萬品、神草分區、以千叢、持西母之玉棗、麗成王之圭桐、何則、卜深居而榮紫禁、移盤根以茂彤庭、食地養之淳渥、稟天性之異靈、依



金闕而播影、隨玉管而流形、固本枝於百卉、植  
 聲譽於千齡、爾其秋實抱丹心、而泛色、春花含  
 素質而飛馨、朝承周雨、漢露夕犯、許月陳星、當  
 晚節而逾美、帶涼風以莫零、石虎瞻而類角、李  
 聃翫而比餅、投海傳繆公之遠慮、在篋閱方朔  
 之幽襟、雞心釣名洛浦、牛頭稱味華林、斯誠皇  
 恩被草木、聖化冥及豚魚、何必秦松授乎封賞、  
 周桑載乎經書、文集二卷、亡不傳、  
 贊曰、吏部之於兵部、其才難兄、至其博覽、則實

四子傑矣、觀與倭判官書、愛人才而不欲希世  
 苟合者、可以見焉、

參議兵部卿從三位藤原萬里傳第三十

三

藤原萬里者、不比等季子也、初稱麻呂、後更萬  
 里、養老初、自奉議郎進朝散大夫、尋至從四位  
 上、為左京大夫、世因此稱京家、天平初、授銀青  
 光祿大夫、遷兵部卿、亡何、署參議、尋為山陰道



皇朝傳 卷三  
鎮撫使先是陸奧按察使大野東人奏從陸奧  
至出羽道經男勝行程迂遠請擊男勝以通直  
道男勝夷所聚洛也乃詔萬里爲持節太使往  
征之到東奧多賀柵與東人謀發騎兵一千人  
開山海兩道夷疑懼乃使使山海二道曉喻之  
益東人勇健二百人繼于使者後又各分益四  
百六十人於玉造等五柵將自將餘兵三百五  
十軍多賀柵東人將部兵勇健凡七百人及土  
兵五千人往降虜夷二百五十人既而之出羽

大室驛本國守田邊難波亦率部兵五百人降  
夷一百四十人與東人相與謀曰狄地雪深馬  
芻難得恐運糧亦難繼矣今夷聞王師來莫不  
震懼深入逐之必危懼遁走山野堅柵劇屯攻  
之死守非計之善也夫兵見利爲不利則止不  
如乘其危懼而慰諭之且示軍威寬恩從此而  
還也乃報之多賀柵萬里上疏具其狀曰東人  
久將邊垂熟其形勢得狄要領伏乞如所請詔  
可萬里爲人慧辯博覽能屬文兼通兵法平素



琴詩酒以自樂居恒曰上有聖主下有賢臣如  
僕者又何為哉尚事詩酒耳嘗置酒園池賦詩  
其序曰僕聖代之狂生直以風月為情魚鳥為  
翫貪名徇利不適中襟對酒賦詩是厥私願追  
良辰之佳景開昆弟之芳筵一曲不飲盡歡情  
於此地或吟或詠縱逸氣於高天不慮軒冕之  
榮身唯知泉石之樂性於是絃歌迭奏蘭臭同  
驩宇宙荒茫煙霞蕩兮滿目園池照灼桃李笑  
兮成蹊既而日落影幽尊傾人醉陶然不知老

之將至也夫登高能賦即是大夫之才體物伸  
情豈非今日之事宜裁四韻各述所懷九年卒  
贊曰兵部自稱聖代狂生以嵇康劉伶自期然  
過神納言墟則高其忠諫助釋奠之禮則歎仲  
尼之不遇非復厭務世者矣當時盖有嫌於心  
而其所蘊結見乎文辭之間焉爾

中納言從三位多治比真人廣成傳第三



多治比廣成者與縣守同祖左大臣島孫也父廣足平城朝歷任內外累遷至從三位中納言勝實中坐子姪黨藤原仲勝免職以散位卒于家廣成少好學頗通兵法和銅初叙從六位尋進從五位上任下野守大伴旅人征隼人也爲副將軍有功養老中擢按察使巡省能登越中越後聖武神龜初至大中大夫天平四年爲遣唐大使中臣名代爲副使廣成於唐亦稱姓丹

墀七年歸自唐進正四位上明年副使名代歸唐玄宗贈書我邦曰彼禮義之國神靈所扶滄溟往來未嘗爲患不知去歲何負幽明丹墀真人廣成等入朝東歸初出江口雲霧斗暗所向迷方俄遭惡風諸船飄蕩其後一船在越州界即真人廣成尋已發歸計當至國一船飄入南海即朝臣名代艱虞備至性命僅存名代未發之間又得廣州表奏朝臣廣成等飄至林邑國既在異國言語不通並被劫掠或殺或賣言



念災患所不忍聞然林邑諸國比常朝貢朕已  
勅安南都護令宣勅告示見在者令其送來待  
至之日當存撫發遣又一船不知所在永用疚  
懷或已達本蕃有來人可具奏此等災變良不  
可測卿等忠信則爾何負神明而使彼行人罹  
其凶害想卿聞此當驚嗟然天壤悠悠各有命  
也中冬甚寒卿及首領百姓並平安好今朝臣  
名代還一一口具遺書指不多及時張九齡爲  
知制誥作此書見于曲江集書中朝臣廣成平

郡廣成也事具本傳九年署參議居亡何爲中  
納言至從三位明年拜式部卿十一年卒  
贊曰自古紈袴子弟好學者希益長於富貴田  
獵聲色心有所枝焉是故即好學者終無有成  
丹墀氏一門薦調遣唐之任一何盛也豈家教  
之習不肅而成者與

從四位上平郡朝臣廣成傳第三十五  
平郡廣成者武內庶子平郡都久宿禰後苗裔



也。好學有才畧。聖武天平中，將遣使唐，擇其介乃授外從五位。從太使丹墀廣成副使中臣名代如唐。竣事將歸，四船同發。從蘓州入海洋中，惡風起，彼此相失。大使船幸得歸，廣成船一百一十五人，漂到林邑國。有賊兵來圍，遂被虜執，或殺或逃。又中瘴氣死，廣成等四人僅免死。得見林邑王乞憐，乃給口糧，置之惡處。會唐欽州船來，被偷載出來，復還于唐。由阿部仲麻呂得聞于朝，乃給船及糧發之。從登州入海，到渤海

界。會渤海王大欽茂將差使聘我邦，乃與俱發於渤海。洋中遇暴風，船飄蕩。其太使晉要德等四十人皆溺沒，廣成船幸乘洑洲上。風定得潮而浮，率其遺衆到出羽。自出羽而歸。時天平十一年也。是年進中散大夫，爲刑部太輔。尋擢東山道按察使，累遷式部太輔、攝津大夫。勝寶中，至大中大夫，五年卒。

贊曰：古人有言，聖無死地，賢無敗局。天下非無死地也，蓋用術免也。術者智所以轉也，至此無



術則徒束手而呼天而已其脫虜執見林邑王  
被客船偷載微術何以得焉夫學生智智生術  
稱好學有才畧其謂此與

大學頭從五位下山田史三方傳第三十

山田三方者相傳魏司空王昶之後云不知其  
先何時來於我邦三方少遊大學資性穎敏  
博涉群書以文辭知名文武慶雲中叙朝議郎

特賜布整鹽穀以優待之和銅初進朝散大夫  
養老中加一級擢大學頭尋任周防守嘗左大  
臣第饗新羅客陪宴者皆詩賦唱和三方詩序  
曰君王以敬愛之冲衿廣闕琴樽之賞使人承  
敦厚之榮命飲戴鳳鸞之儀於是琳瑯滿目蘿  
薜充筵玉俎雕華列星光於煙幕珍羞錯味分  
綺色於霞帷羽爵騰飛混賓主於浮蟻清談振  
發忘貴賤於亡雞歌臺落塵郢曲與巴音雜響  
笑林開鑿珠輝共霞影相依于時露凝旻序風



皇朝儒臣傳 卷三  
轉商郊、寒蟬唱而柳葉飄、霜鴈度而蘆花落、小  
山丹桂、流彩別愁之篇、長坂紫蘭、散馥同心之  
翼、日云莫矣、月將除焉、醉我以五千之文、既舞  
踏於飽德之地、博我以三百之什、且狂簡於劔  
志之場、清寫西園之遊、兼陳南浦之送、含毫振  
藻、式贊高風、居亾何侍、東宮爲文章博士、賜絕  
十五疋、絲十五約、布三十端、釐二十口、初爲周  
防守也、倉蓄有所缺少、督官檢而告之、事已在  
赦前、有司請追徵贓、詔曰、三方之所犯、事已經

赦、法雖當不問罪而徵贓、今索之家、無尺布儲  
室如懸罄、此少負笈絕國、遊學千里之外、歸鄉  
教授生徒、文館學士、多出其門者、非無功於國  
家矣、思其才學、且貸恩寵、勿追徵、以散位卒于  
家、  
贊曰、人亦有言、文人亡行、蓋負才不謹、細行、况  
有司出納乎、未必躬自犯、凡事有跡、同而爲異  
者、夫讀書與博塞、雖爲異乎、亡羊則同矣、可不  
慎哉、



正七位上伊豫掾刀利宣令傳第三十七  
 刀利宣令者不詳何氏族也父康嗣文武時朝  
 散大夫大學博士宣令少好學穎敏畧涉群籍  
 能屬文起家補伊豫掾慶雲四年以進士入對  
 時務策問烈火炎猛畏之而不嚮邇柔水襄陵  
 狎之而遂沉溺是以東里遺猛烈之言西門盡  
 嚴明之辜然臧孫為政端木銜訕廉范蒞官雲  
 中起詠寬猛之要厥猷如何宣令對曰竊以飛  
 龍不息健猛之用顯矣行馬無疆煩寬之利享

焉稟天地之氣者人也含喜怒之諍者情也稟  
 同含異理宜寬猛猛能禁斷子產有烈火之喻  
 寬是兼愛廉范削夜作之令沛公入洛義帝許  
 其寬容仲由言志素王多於行行既載于經又  
 見于史義有二途其揆一也唯理髮解繩前史  
 美論以寬濟猛聖人格言是以水避高而趨下  
 民去急而就緩因水民之趨就明寬猛之梗概  
 欲使著弦之夫擁篲寬容之庭佩韋之臣束帶  
 太平之運謹對養老中調太子舍人竟不至顯



職 贊曰宣令於史亡所述而觀對策文則其才學可知矣彼以其才屈於下位竟亡聞甚哉人不易知也力不及者不能見趣不同者不能知知入亦未易夫

御史大夫正三位石川朝臣年足傳第三

石川年足者武内後裔也四世祖蘓我連淡海

同合十八

付名足

朝大紫大臣祖安麻呂小花下少納言父石足銀青光祿大夫左大辨年足性真率廉謹好學通經史尤嫻經濟聖武神龜中起家補少判事荐歷外任屢有政績天平中授朝散大夫為東海道按察使任陸奧刺史數年百姓安之上嘉賞賜絕三十匹布六十端稻三萬束居亡何至從四位上春宮大夫兼左中辨尋署參議勝寶初進銀青光祿大夫轉太宰帥累遷為中納言拜神祇伯兼兵部卿其在任也公暇唯書是耽



皇朝傳 卷三  
無復它嗜廢帝寶字初與藤原押勝文室智努  
等奉詔改官號曰太政官總持綱紀掌治邦國  
如天生育萬物故改曰乾政官太政大臣曰太  
師左大臣曰太傅右大臣曰太保大納言曰御  
史大夫紫微中臺居中奉敕頒行諸司如地承  
天亭毒庶物故曰坤宮官中務省宣傳皇綸以  
信爲主故曰信部省式部省總掌文官考賜故  
曰文部省治部省掌僧尼賓客宜主禮故曰禮  
部省民部省布政于民惟是在仁故曰仁部省

兵部省掌武官考賜故曰武部省刑部省窮鞠  
定罪惟須要義故曰義部省大藏省出納財貨  
宜有節制故曰節部省宮內省催諸局業備給  
供御宜智周物故曰智部省彈正臺糾正內外  
肅清風俗故曰糾政臺圖書寮掌藏典籍供奉  
內禁故曰內史局陰陽寮掌曆數夫陰陽曆數  
國家大事故曰大史局中衛府鎮國之衛也故  
曰鎮國衛本將任重而位卑故改爲正三位曰  
大尉中將爲從四位上曰驍騎將軍負外將少



將爲從五位下曰次將、衛門府、禁衛諸門、監察  
出入、故曰司門衛、左右衛士府、率諸國勇士分  
衛宮掖、故曰左右勇士衛、左右兵衛府、折衝禁  
暴、虎奔宣威、故曰左右虎賁衛、上嘗詔公卿各  
言政事得失、年足上、僂宜曰、臣聞治官要據律  
令、爲政必須格方、今科條之禁、雖著篇簡、別式  
之文、未有制作、伏乞作別式、與律令並行、乃作  
別式二十卷、各以其政繫於本司、雖未施行、頗  
有據用焉、明年進正三位、爲御史大夫、六年卒、

子名足、寶字中、叙朝散大夫、任伊勢守、寶龜初  
稍遷補兵部大輔、尋轉式部大輔、進中大夫、出  
爲太宰大貳、居二年入歷、左右大辨、署參議兼  
右京大夫、少好學、博涉群書、凡耳目所經、多記  
于心、頗有口才、剖斷亡滯、然性褊急、不能容人  
過、諸司有請事、不合旨、輒面折、極口而罵、是故  
諸司候官曹、會名足在廳、皆跣躅避、延曆初、至  
銀青光祿大夫、中納言、兼兵部卿、皇后宮大夫、  
卒于官、



贊曰、六經者、聖人之政蹟也、學而施諸經濟、可謂善學者矣、修身之美、止於其身、七十子之所以不及管仲也、名足雖不及父、遠乎、割斷亡滯、亦可以器使、至夫、少愷悌、則雖舍命不渝、難護公餽矣、  
本京大夫少建學野我豫書以其日流國之出  
 大右大臣正三位大中臣朝臣清麻呂傳第  
 餘數三十九大神學大將大神與中大入出

意味麻呂、鎌足從父混弟也、善卜筮術、鎌足以女妻之、文武時、為神祇伯、清麻呂為人恭敬、紹述父業、天平末、叙朝散大夫、補神祇大輔、稍遷歷左中辨、文部大輔、尾張守、寶字中、至大中大夫、參議、左大辨、兼神祇伯、其歷居顯要也、見稱勤恪清慎、神護初、加勳四等、進銀青光祿大夫、景雲初、拜中納言、賜姓加大字、稱大中臣朝臣、歷仕數世、為國舊老、朝議國典、以至於掌故之細、莫不精熟、其視事也、雖老夙夜匪解、及光仁



御極年已七十矣、乃上書乞致仕、優詔不許、授金紫光祿大夫、轉大納言、兼太子太傅、寶龜初、拜從二位右大臣、尋至正二位、桓武即位復乞骸骨、優賜許之、延曆七年卒、年八十七

贊曰、我神祇伯、唐太常也、在唐虞伯夷夔典禮樂、於周宗伯、爲春官、掌邦禮、漢改曰太常、欲令國家盛太、社稷常存、故稱太常、厥任綦重矣、此所以首於諸官也、謂之神國風儀、豈不惑乎、

從三位大和守大伴宿禰古慈悲傳第四

十

大伴古慈悲者、祖吹負、飛鳥朝常道頭、贈大錦父、祖父麻呂、平城朝中大夫、越前按察使、古慈悲少有才幹、性剛狷博、涉群籍、文武慶雲中起家、補大學大允、藤原不比等以女妻之、勝寶中、累遷太中大夫、衛門督、俄出爲出雲守、自見疎外、意常鞅鞅、藤原押勝、幸于孝謙、古慈悲入上計、與淡海三船私語、憂朝廷無人、臣禮人有告



押勝者、押勝怒、誣以誹謗朝廷、逮捕二人衛士  
府五日、詔賞其罪、左遷土佐守、未之任、會同族  
古麻呂謀廢立、事發覺、乃誣論連坐、革職流于  
土佐、及光仁御極、得白、寃歸京、復其舊位、任大  
和守、明年進通議大夫、寶龜六年、以其舊老特  
授銀青光祿大夫、八年卒、年八十三  
贊曰、公正之士、姦人之瘞也、為押勝所害、其人  
可知矣、夫有為者有所不為、不阿勢要、於古慈  
斐乎可道焉、

正四位下左大辨鎮守將軍大伴古麻呂

傳第四十一

大伴古麻呂者、與旅人同祖、好學、有勇畧、聖武  
天平中、叙朝散大夫、尋補左少辨、勝寶四年、授  
大中大夫、為遣唐副使、與太使藤原清河如唐、  
五年歸自唐、奏曰、唐天寶十二載正月朔、唐帝  
受百官諸蕃使朝賀於蓬萊宮含元殿、諸蕃使  
位次為兩行、序新羅使東行第一位、大食國上  
而序我使西行第二位、吐蕃下、臣謂典客曰、新



羅自古屬日本久矣如何我日本使得在彼下  
 班義不合得將軍吳懷實見臣不肯乃改序新  
 羅使西行吐蕃下序日本使東行第一位大食  
 國上明年遷左大辨進通議大夫寶字初為兼  
 陸奧守鎮守將軍本國按察使初孝謙之即位  
 以先帝顧命立道祖王為皇太子藤原仲滿幸  
 於孝謙有女為大炊王妃欲廢太子代大炊王  
 據戚畹之尊竊日讒皇太子孝謙欲廢太子公  
 卿引顧命而諫不聽遂廢太子立大炊王為皇

太子宗室諸王攝奈良麻呂等怒仲滿擅威福  
 乃與古麻呂小野東人等謀欲誅滅仲滿遵先  
 帝顧命復道祖儲位以廢女主事發覺皆囚于  
 獄拷打窮問並死杖下  
 贊曰廢立大事也故曰有伊尹之志則可霍光  
 為此無毫私利議者比之伊周觀仲滿之姦私  
 與孝謙之穢行則此寧負主不敢負社稷者也  
 况有先帝顧命矣夫成乃比平勃之功敗則被  
 賊臣之目悲夫



右大臣正二位吉備朝臣真備傳第四十  
 吉備真備者、本姓下道臣、孝靈皇子吉備彥後、  
 稻速別之胤也、初彥伐逆賊有功、封於吉備國、  
 稱吉備彥、子孫世家焉、十世孫曰御友別、應神  
 狩于淡路、遂幸吉備、御友別率子弟朝夕祖、  
 蔽自上食禮奉甚謹、天子乃割川嶋下道縣封  
 其長子稻速別、分上道三野縣封其二弟、稻速  
 八世孫曰下道朝臣國勝、國勝仕平城朝為右

衛士少尉、真備國勝之子也、幼穎悟絕人、稍長  
 好學、靈龜初與安陪仲麻呂俱從聘唐使丹墀  
 縣守如唐、留學受業、研究經史、旁及兵法百家  
 曆算衆藝、莫不通曉、留凡十九年、天平七年、與  
 太使丹墀廣成俱歸、悉賞物、賀書以歸、乃獻所  
 齋來唐禮一百三十卷、大衍曆經一卷、大衍曆  
 立成十二卷、測影鍍尺一枚、銅律管一部、鍍如  
 方響、寫律管聲十二條、樂書要錄十卷、角弓三  
 張、箭三十隻、上大嘉之、禮儀軍制、倣以為矜式、





明年授朝散大夫、尋進朝議大夫、爲東宮學士、居亾、何至從四位下、春宮大夫、賜姓吉備、轉右京大夫、勝寶初、以諫忤旨、左遷筑前守、四年、調遣唐副使、與太使藤原清河再如唐、六年、竣事而歸、進通議大夫、除太宰大貳、詔春日部三閔三閔土師、閔成等、就太宰府、真備受孫武九地、諸葛亮八陳、及結營向背法、左官久、熟土地形勢、乃建議起本國怡土城、寶字八年、藤原押勝謀反、真備監造東大寺、在京、急召入議、真備計賊必奔、乃分兵遮諸道、授籌策諸將、賊果陷其術中、不日伏誅、真備之力也、以功授銀青光祿大夫、勳二等、爲參議中衛大將、神護初、除中納言、荐轉大納言、尋拜右大臣、從二位、嘗立二柱於壬生門西、題其一曰、凡被官司抑屈者、須至此下告訴、其一曰、百姓有冤枉者、須至此下告訴、並令彈正臺受理其訴、以代登聞鼓云、初在西海也、於對馬島、捐私資、墾水田陸田各數頃、於是獻二田及子粒二萬束於縣官、爲嶋蓄儲以備



饑荒景雲中、大后幸真備第、特進正二位、先是  
大學釋奠禮數未備、真備乃誓禮典、釐正器物、  
威儀始備、及光仁即位、上表乞骸骨、曰臣聞力  
不任而強者則廢心、不逮而極者必憊、臣自見  
足以徵也、寶字末臣年已七十矣、上致仕表於  
西海、會監造東大寺命下、入京、族罪於家、老病  
自養、仕進心如死灰、豈料忽有討賊後、遽召入  
內、參謀軍事、賊平、校功、因此微勞、叨登黃閣、不  
聽辭遜、已過數年、方今疾病纏身、治療難已、天

官劇務、不可暫空、如何可<sub>下</sub>抱疾殘體、久辱端揆、  
兼帶數職、闕輔萬機、自顧微躬、覲顏已甚、慚天  
愧地、亡處容身、伏乞致事、以避賢路、上全聖朝  
養老之德、下遂庸愚知足之心、敢恃望殊恩、伏  
祈矜愍、頓首頓首、昧死謹陳、書奏、優詔不許、曰  
唯罷中衛大將、勿空朝右、寶龜二年復乞骸骨、  
許之、六年卒、年八十三、  
贊曰、吾邦傳經籍尚矣、而鮮有能通曉者、公  
受業中華、作為和訓、設顛倒讀法、而後文義始



畧可通公之功德於我東方實可謂學問之大祖矣其它制反切求音之法學者至今賴焉若夫カクカ曰作楷體國字カクカ蓋附著之公云至其任女主穢行之朝與蹠人汚吏連袂出入則議者不能亡憾蓋公非不知也一開口諫輒左遷西海其時勢可知矣况且有遠而諫之戒寧完軀以傳其業於後世此公之志也

中納言從三位大伴宿禰家持傳第四十

大伴家持者大納言旅人子也少好學涉經史兼通兵法又以善國風知名天平中叙朝散大夫補宮内少輔尋出任越中守進朝請大夫無何入為兵部大輔勝寶寶字之間歷任内外藤原押勝與同族良繼有隙押勝不臣之跡稍見良繼欲誅之竊與石上宅嗣家持等謀之予削男廣告于押勝押勝怒捕之下吏問譴良繼自證曰此自我家事非由他人二子何罪乃得解



免後、押勝果反、寶龜中、累遷至中大夫、左中辨、兼式部、負外大輔、拜參議、歷左右大辨、東宮大夫、丁母憂、解官、服除、除銀青光祿大夫、右衛門督、延曆初、永上川繼謀反、事連汙家持、乃解見任、間住於京外、居頃之、得白其事、詔復參議、東宮大夫、以本官出為陸奧按察使、尋拜中納言、任征東鎮守將軍之任、上書曰、名取以南一十四郡、僻在山海、去塞縣遠、屬有徵發、不會機急、是故前權置多賀階上二郡、募集百姓、足兵卒

於國府、設防禦於東西、實是預備不虞、推鋒萬里、但以徒有開設之名、而未任統領之人、百姓顧望、無所繫心、伏請以此權郡、仍為真郡、備置官員、則民知統攝之歸、賊絕窺窬之望矣、從之、四年卒于官、未葬之間、坐同族繼人竹良殺藤原種繼、追奪其官職、從庶人葬、初、橘諸兄與家持奉詔、選古體國風、名曰萬葉集、家持之力、益居多云、贊曰、家持能繼父業、可謂不墜家聲矣、坐良繼



則義爲社稷、永上乃以其知兵見謀及耳、至繼  
人竹良事起于死後、蓋以上惜種繼深而怨二  
子甚故也、不則髮已種種、心未必長矣、  
四年大納言正三位石上朝臣宅嗣傳第四十  
石上宅嗣者、黃門乙麻呂子也、性敏悟而辭容  
閑雅、潛心經史、多所涉覽、善屬文、兼工草隸、與  
淡海三船稱文人魁、勝寶初、叙朝散大夫、補治  
部少輔、稍遷文部大輔、歷任內外官、寶字中、坐  
藤原良繼事、與大伴家持俱下吏、不日得解、景  
雲初、至參議、銀青光祿大夫、寶龜初、出爲太宰  
帥、居亡何、入遷式部卿、與藤原永手等定策立  
光仁、拜中納言、請更姓物部、復遠祖姓也、後數  
年、詔復石上、轉大納言、至金紫光祿大夫、公平  
素留心文雅、值山水景致、便把筆搯懷、所著詩  
賦數十篇、世競騰相傳、今亡不傳、唯存小山賦  
一篇、其辭曰、夫何四序之交代、經萬古以無私、



草逢春而花錦、樹入夏而葉帷、秋氣悲兮落實、  
冬風急兮空枝、觀節物之如此、覺人世之盛衰、  
聞瀛岳兮靡覲、望帝鄉兮難期、顧為山之在進、  
想覆篲之不移、事孰有貴、會心無卑、構微岫於  
庭際、引細流於堂垂、天下有山、地中生木、小人  
以遠、君子所育、雖乏習坎之勢、豈謝設險之德、  
坐酌損之澤、西臨制節之水、北爾乃參差篲土、  
日度而不障、皎潔坳池、風動而奚漲、松欹岸兮  
傾蓋、石澄流兮泛鏡、雲片覆兮嶺陰、月半出兮

谿映、鳥乍鳴兮遷木、我若遺兮委命、嗟大造之  
殊品、誠卑細而同慶、於是攝深思於一指、跨鯤  
海而無居、聘幽情於萬物、據蟻垤而有餘、信夫  
不出戶牖而知矣、何必歷覽山水而尚諸、聊託  
文之在茲、式寫心之所如、亂曰、四節遞謝兮萬  
物榮枯、視昔異代兮知後同途、高尚在心兮坳  
池足只、清靜委命兮崑岳茂爾、禽獸不群兮何  
必避世、瓢為樂兮聊以卒歲、為而不恃兮孰知  
其德、燕處超然兮唯道是則、天應元年卒于官、



贊曰、宅嗣任穢汚之朝、鴻漸之翼、不困于燕爵、其坐良繼、則其志本在國家、遂定策而陞亞相、可謂不負所學矣、  
刑部卿從四位下淡海真人三船傳第四  
十五  
淡海三船者、皇太子大友之曾孫也、祖葛野王、自有傳、父池邊王、朝請大夫內匠頭、三船性聰敏、博涉群書、以文學與石上宅嗣名重一時、勝

寶初、賜姓淡海真人、與大伴古慈、斐友善、嘗私訾藤原押勝、押勝誣以誹謗朝廷、執于衛士府、既而得解、寶字初、叙朝義郎、為山陰道按察使、進朝散大夫、任參河守、明年、遷文部少輔、充造池使、之近江、是年押勝謀反、發覺出奔、道宇治走據近江、調發兵馬、三船在勢多、修造陂池、聞之、與佐伯三野共捕縛賊使數人、及其黨與、王師亦尋至、燒斷勢多橋、賊不得渡、賊平、以功拜中散大夫、勳三等、賜功田、除近江介、亡何遷中



務太輔兼侍從、神護初調東山道巡察使、復命有差、左遷太宰少貳、及光仁踐阼、入遷刑部大輔、大判事、除大學頭兼文章博士、詔制歷代皇謚、肇於神武、訖於持統、今所稱即是已、謚議著明、天子嘉之、拜中大夫刑部卿、任因幡守、延曆四年卒于官、向陽林公曰、懷風藻三船所選也、其所徵尤有據焉、此碑是向陽林公所撰、其文曰、贊曰、謚者行之迹也、累生時之行而謚之、生有善行、死有善謚、不善亦如之、臣子不得私于君父、今攷國史所載、取其大者而謚之、深得制謚本意矣、懷風稱皇太子、而云天命不遂、明寃後世、可謂奉先思考矣、

皇朝儒臣傳卷三終



